

Dewan Ra'ayat Yang Pertama
Persekutuan Tanah Melayu

Penggal Kelima

Atoran Urusan Meshuarat

No. 17

Hari Sabtu, 24hb. Ogos, 1963 pukul 10 pagi

48

Atoran Urusan Meshuarat dan Pemberitahu Usul2

1. Membahathkan Anggaran Belanja Pembangunan, 1963 (Cmd.24 tahun 1963) dalam Jawatan-Kuasa sa-buah2 Majlis (23hb. Ogos, 1963).

2. Menteri Kewangan akan menchadangkan:

Bahawa Majlis ini memutuskan ia-itu, menurut kuasa2 yang terserah ka-atas-nya dalam sekshen kechil. (2) sekshen 10 dalam Undang2 Kastam, tahun 1952, Perintah Chukai2 Kastam (Pindaan) (No.6) tahun 1963, yang telah di-bentangkan di-hadapan Majlis ini sa-bagai Surat Undangan No.48 tahun 1963 di-sahkan.

3. Menteri Kewangan akan menchadangkan:

Bahawa Majlis ini memutuskan ia-itu menurut sharat2 dalam sekshen kechil 4 dalam sekshen 10 daripada Undang2 Peratoran Kewangan tahun 1957, Jadual Yang Kedua kapada Undang2 tersebut hendak-lah di-pinda dengan di-tambah perkara baharu saperti berikut -

"The Association of South-East Asia Fund."

4. Enche' Zulkiflee bin Muhammad akan menchadangkan:

Bahawa oleh kerana Parti Perikatan tiada mendapat mandat sa-penoh-nya hendak menubuhkan Malaysia, maka suatu shor hendak-lah di-persembahkan kapada Duli Yang Maha Mulia Seri Paduka Baginda Yang di-Pertuan Agong meminta di-bubarkan Parlimen dengan serta-merta supaya ra'ayat dapat menyatakan fikiran melalui Pilihan Raya Umum berkenaan dengan masalah ini.

5. Enche' V. Veerappen akan menchadangkan:

Bahawa Majlis ini sungguh pun sedar akan kesusahan kerja Polis terutama sa-kali orang2 dalam Jabatan Siasat Jenayah, tetapi susah hati benar atas perbuatan menyalah-gunakan kuasa2 yang di-beri kapada Polis menurut undang2 negeri ini dan meminta Menteri Keselamatan Dalam Negeri mengelakkan perbuatan menyalah-gunakan kuasa2 itu.

6. Enche' V. Veerappen akan menchadangkan:

Bahawa memandang kapada banyak-nya bilangan orang2 yang di-hadkan tempat tinggal-nya menurut kuasa2 dalam Undang2 menentang Jenayah dan Undang2 Menghadkan Tempat Tinggal, dengan tidak ada peluang bagi orang2 itu menukar kelakuan, Kerajaan hendak-lah di-desak supaya mengambil langkah2 untok mengadakan peluang2 bagi orang2 itu menjadi warga negara yang berguna.

7. Enche' V. David akan menchadangkan

Bahawa Majlis ini meminta kapada Kerajaan untok menggantikan Undang2 Ibu Kota Persekutuan Tanah Melayu dengan suatu Undang2 yang mensharatkan supaya Ahli2 Majlis Meshuarat Perbandaran, Kuala Lumpur, di-pilih semua sa-kali oleh orang ramai.

8. Enche' V. David akan menchadangkan:

Bahawa oleh kerana Majlis ini merasa sangat kkuatir atas perbuatan tuan2 punya Sharikat Art Printing Works, Kuala Lumpur, manghalang masuk akan pekerja2 ka-Bangunan Sharikat itu, dan oleh kerana memandang kapada kesusahan2 yang di-alami oleh pekerja2 Sharikat yang tersebut, maka Majlis ini menyeru Kerajaan supaya melantek sa-buah Surohanjaya dengan di-beri tugas luas untok menjalankan tugas-nya menyelidik akan sebab2 perselisihan ini dengan tujuan menyelesaikan-nya.